


BIBLIOTEKA UNIWERSYTECKA

KUL

XVIII.6744

XVIII. 6744.



Wm. H. H.

Wm. H. H.

E-16, 260

Dorsal. H. H.

RMA ET NORMA

è, justè, piè ac Christianè

li, licèt à Paganis còscripta, & ex eis

COLLECTA,

tianis tamen Catholicisq; perutili s.

caput ET *Solenne*

Per singulos Anni dies

ISTRIBUTA.

s 100. Meditationib; in Passionem totam

CHRISTI DOMINI

XORNATA.

lississimo Magnæ Spei

SISSIMORUM Parentum FILIO,

ublicæ Polonæ futuro TUTORI,

SEPHO SANGUSZKO

RESCHALCIDÆ mag: Duc: Lithv:

BITANEO Cremenecensi &c.

lesia Kijanensis Faventissimo

LLATORI & BENEFACTORI,

OBLATA.

ANNO DOMINI 1749.



LUBLINI

is S. R. M. Colleg: Societatis JESU.



JOANNES ALEXANDER à Trebin
TREBINSKI Uq; J. Doctor & Pro-
fessor, nec non Universitatis Zamo-
scianæ Rector, Præpositus Cathedralis
Vicarius in Spiritualibus & Officialis
Generalis Chelmenfis, Canonicus Ar-
chicathedralis Leopoliensis, Archidia-
conus Lublinensis, Librorum in Di-
œcesi Cracoviensi Censor. Libellus
cui Titulus: *Forma & Norma sobriè,
justè, piè ac Christiane vivendi, tam ad E-
ruditionem, quàm ad inflammandã erga
DEUM devotionem conscriptus, im-
primatur.* Idem qui supra mpp.



XVIII. 6744



CELSISSIME DOMINE DO-
MINE PRINCEPS,

Ac

DOMINE, DOMINE CLEMENTISSIME

Patieris Excellentissime PRINCEPS,
Cujus Patrocinii possessionem inire
desidero, dum hæc temere in aliis spar-
sa, hic ad utilitatem collecta, in cliente-
lam Nominis Tui danda existimo, à me
quam paucissimis in limine appellari.
Errarem utiq; si neq; in prodigiosa Pas-
sionis Dominicæ nocte, lacteam aliquam
viam inquirerem, neq; ad illustrandam
piè Christianeq; vivendi Normam ab a-
liquo non dignitatis modo, sed multipli-
cis exempli lumine lucem publicam com-
pararem. Hæc omnia Domi Tuae re-
perio PRINCEPS Celsissime, in Cujus
ore candoris indolisq; plenissimo colla-
ctaneum superis animum in aurora vitæ
Illustrissimum vitæ exemplar sub aspectū
mihi venire puto. Ut enim lucem aspe-

A2

xisset

xisset annus hic Te sibi pro sole vendica-
vit: Quid enim in Te non ad pompam
syderum quid non ad gloriam olympi, pri-
mam in Te auroram vitæ agnoscunt u-
niversi quam explicas à vultu gratissimo,
jamq; illis superum æstibus incalescis ad
gloriam, quos vix soles excitare solent ad
ipsum provecti meridiem; Annosa ete-
nim in Te quamvis juvene pietas vir-
tusq; eminet; in parva ætate magnum
virum mirantur singuli. Vix pueritiam
incepisti, & jam ad illam virtutum mo-
lem evectus, cui vix grandior magnitudo
sufficeret, quia non tam annis distingve-
re vales ætatem, quàm potiùs pulchris a-
nimi dotibus. Ille etenim es à quo ve-
lut à fonte rivuli, à sole radii, ab olympo
atomis emanant pietatis moles; Te amant
virtutum decora, & unanimi voto ad e-
um tanquam ad suum collimant finem.
Ergo cum tanto fulgeas ornamento ani-
mi, etiam exiguum Opus Celsissimo ador-
nes nomine, ut melius adorneris, fert ete-
nim sensus: Qui Sanctus est sanctifice-
tur adhuc; Qua propter Forma & Nor-
ma hæc ab invicem respondeat. Vivas
igitur

igitur CELSISSIME PRINCEPS CLE-
MENTISSINE DOMINE, ut chara
soboles Celissimorum Parentum ut decus
columenq; Reipublicæ, ut luminare Pro-
sapiæ, ut Patriæ spes infallibilis, vivas
ut honor Dignitatum, donec post millenos
sine nube soles meritis plenum, gloriosa se-
nectute adornatum superi Te ex Regum
subselliis, ad Regnum Cælestis gloriæ
transferant.

Sic precatur

CELSISSIMO NOMINI
T U O,

Devotissimus
Servus.

Ad LE-

AD LECTOREM.

Non te moveat authoritas dicentis,
nec quis, sed quid dicat, intendito.
Seneca de 4. virtutibus. I.

Si boni esse volumus, omnia adjumen-
ta, & auxilia petamus bene vivendi. Ci- 2.
cero lib. 4. Tuscul: q. in Calce.

Imbecillioribus ingeniis necessarium
est aliquem præire, ut dicat: hoc vitabis,
hoc facies. Seneca Epist. 94.

Quotidiè aliquid compara, & cum 3.
multa legendo percurreris, unum excer-
pe, quod illo die concoquas: hoc ipse quo-
tidie facio, ex pluribus lego, aliquid ap- 4.
prehendo. Senec. Epist. 2.

Unam semel ad quam vivas regulam
prende, & ad hanc omnem vitam tuam 5.
exæqua. Seneca Epist. 20.



JANUARIUS.

- entis,
ndito.
men-
Ci-
rium
abis,
cum
cer-
quo-
ap-
lam
uam
- I. **D**EUM cole, amicis succurre, veritatem sustineto, legibus pareto. *Solon Atheniensis.*
 2. Egressurus domo tecum expendito, quid foris agere velis: domum ubi rediêris, quid egeris reputato. *Cleob: Lyncdius in sent: sent. 2.*
 3. De dubiis non definias, sed suspensam teneas sententiam. *Seneca de 4. virtutibus.*
 4. Non quibusvis credere oportet, sed prius considera, an vera dicantur. *Plato tom: 3. sisygia 6. in dialogo Demodeci.*
 5. Sic cum inferiore vivas, quemadmodum tecum superiorem velles vivere. *Seneca Epist: 47.*
 6. Quæ gratis accipis à DEO præsta gratis. *Sixtus Philos. sent. 233.*
 7. Audito multa: loquere pauca. *Bias.*
 8. Omnibus modis fulciendi sunt, qui ruunt. *Cicero lib. 3. Tuscul.* Si

9. Si quulcher es, bona fac, si deformis, naturæ defectum bonis actibus compensa. *Demetri: Phaler.*
10. A verbis turpibus abstineto, quia eorum licentia impudentiam nutrit. *Seneca de 4. virtut.*
11. Iratus de re incerta contendere noli, impedit ira animum nè possit cernere verum. *Cato lib. 2. Distich. Met. 17.*
12. Vigilandum est semper, multæ sunt infidiæ bonis. *Cic: Orat: 13. pro Plaut.*
13. Verba tua, pietate semper plena sint. *Sext. Phil. sent. 214.*
14. Quod facere institueris noli prædicare, nam si facere nequiveris rideberis. *Pythagorás.*
15. Mutare te loca, & in alium de alio transire nolo; quia tam frequens migratio instabilis animi est. *Senec: Ep. 69.*
16. Inter loquendum non est agitata manus, est enim vecordis. *Diogenes l. 1.*
17. Infortunium tuum cælato, nè voluptate afficias inimicos. *Periander Coriath.*
18. Evitanda est curiositas verborum. *Plato de Regno.*

- 19 Turpia fuge, moribus probatus esto,
oderis calumnias. *Clito Lacæde.*
- 20 Ignoscas aliis multum, tibi nihil.
Pittacus.
21. Amicos secretò admone, palam au-
tem lauda. *Seneca de moribus*
- 22 Dignus esto eo qui te dignatus est
filium dicere, & age omnia ut filius.
Sixtus Philos: sent. 51.
23. Voluptates repudiandæ sunt, & mo-
lestiæ non recusandæ. *Cicero lib. de*
Finibus.
- 24 In omnibus tam maximis, quàm mi-
nimis, debet implorari auxilium DEI.
Plato tom: 3. sisygiâ 5tâ in dial. Timæi.
- 25 Satage non tam videri, sed esse ju-
stus, certum est enim non esse eum, qui
videri vult esse. *Sixtus Philos: sent. 57.*
- 26 Tales sani perseveremus, quales nos
futuros profiteamur infirmi. *Plinius*
Junior lib. 7.
- 27 Si imbecillior est qui te læsit, parce
illi: si potentior, tibi. *Seneca de Ira l. 3.*
- 28 Stude communiter omnibus bene fa-
cere. *Sixt. sent. 251.*

- 29 Non alios culpemus, sed nosmetipsos. Alios accusare in calamitate sua hominis est ineruditi, seipsum; ejus qui erudiri cœpit: Nec se autem nec alium, eruditi. *Epicetus in enchirid. lib. 10.*
- 30 Da operam, ut quidquid necesse futurum est, nunquam invitus facias. *Seneca Epist. 62.*
31. Dum furor in cursu est currenti cede furori, difficiles aditus impetus omnis habet. *Ovidius de remed. amor.*

FEBRUARIUS.

1. **N**E tibi quid desit, quæsitis utere parce. *Cato l. 1. distich. metro 46.*
2. Si vis senem agere, & implere vitam, non annis adijciendum, sed voluptatibus detrahendum. *Seneca Epist. 20.*
3. Ore prius DEUM habeto & mente quàm respices. *Sixtus Philos. sent. 279.*
4. Convivia externa & popularia devota. *Epicetus in suo enchirid. cap. 45.*
5. Animadvertite quod sensu tibi carentum sit post mortem, omniq; voluptate, & vermium quandam vastitatem tibi ob

bi ob oculos repræsentata, ut non in alteram vitam sis moriturus. *Plato tom.*

3. *sizygiâ 6. in dial. Axiochi.*

6. Victus tibi ex facili sit, nec ad voluptatem, sed ad cibum accede. *Seneca de 4. virtutibus.*

7. Vincere tam possis, interdum cede sodali: Obsequio quoniam dulces retinentur amici. *Cato lib. 1. distichorum metr. 66.*

8. Vive memor mortis ut sis memor & salutis. *Chilo Lacædem: in dictæriis sapientum.*

9. Si vis beatus esse, si fide bona vir bonus, sine, contemnat te aliquis. *Seneca Epist. 71.*

10. Supplicibus misericors esto, sapientum utere consuetudine, bonos in pretio habeto. *Periander.*

11. Non amplius possideas, quàm usus corporis poscit. *Sixtus Philos. sent. 107.*

12. Quanto superiores sumus, tantò submissius nos geramus. *Cicero lib. 1. Officiorum.*

13. Sis sine exprobratione corrector ita;
ut ad-

ut admonitionem hilaritate prævenias.
Senec. de 4. virtut.

14. Quidquid promiseris facito. *Periander Corinthius in dictor. sapient.*
15. Rebus mundanis, in causis tantum necessariis utere. *Sext. Phil. sent. 16.*
16. Metuenda declina, & quidquid consilio prospici potest, prospice. Quodcunq; læsurum est, multo antè quàm accidat, speculare & averte. *Seneca Epist. 98.*
17. Rebus secundis ne efferaris, adversis ne dejiciaris. *Cleobulus Lyndius in sent. sen. 6.*
18. Divinum Numen placandum est, atq; demulcendum, precibus & sacrificiis. *Plato tom. 1. sisygiâ 2. in dialog: Theasis.*
19. Nec te collaudes, nec te culpaveris ipse: hoc faciunt stulti, quos gloria vexat inanis. *Cato lib. 2. dist. metr. 40.*
20. Semper ante oculos DEUS est habendus, ut sic, tanquam illo spectante vivamus. *Seneca Epist. 11.*
21. Non debes aliis detrahere, quod uni
sis,

FEBRUARIUS.

7

his obsequentior. *Plutar: problem: 2.*

22. Si vis cum lætitia animi vivere, noli multa agere: in multis enim actionibus minoreris. *Sixtus Phil: sent. 253.*

23. Si prudens est animus, tribus temporibus dispensetur: præsentia ordina, futura provide, præterita recordare. *Seneca de 4. virtut.*

24. Quod potu peccas, ignoscere tu tibi noli; nam nullum crimen vini est, sed culpa bibentis. *Cato lib. 2. dist. metr. 50.*

25. Tristitiam si potes, nè admiseris: fin minus nè ostenderis. *Senec. de moribus.*

26. Consulta oportet operari velociter, consulere autem tarde. *Arist. Eth. 6.*

27. Ne cui miniteris, est enim muliebri. *Cleobaldus Lyndius.*

28. A vitiis abstine, pietatem sectare. *Periander.*

MARTIUS.

1. Insipiens esto cum tempus postulat, aut res: stultitiam simulare loco, prudentia summa est. *Cato lib. 2. distich. metr. 44*

Quod

2. Quod de alienis tractas, ex tuis judices. *Seneca de moribus.*
3. Acquire possessionem animæ firmam, virtutem. *Sixt. Phil. sent. 69.*
4. Ad eos quos adversa & iniqua fortuna premit, cupide & ultrò eundem est, nec expectandum usq; dum voceris. *Arist. l.9. de moribus c. 11.*
5. Alium re, alium fide, alium gratiâ, alium præceptis salutaribus adjuva. *Seneca l. 1. de Benefic. c. 2.*
6. Tantùm cibi & potionis adhibendū est, ut reficiantur vires non opprimantur, *Cato major.*
7. Stude, non ut plus aliis scias, sed ut melius. *Seneca Epist. 89.*
8. Revereatur vitam tuam mundus, nihil admittas, quod tibi invehat notam. *Sixt. Phil. sent. 33.*
9. In omnibus quid tempora petant, considerandum est. *Cic. lib. 2. de inven. Rhetor.*
10. DEUM time prius & ama, ut ameris à DEO. *Seneca de 4. virtut.*
11. Non est segnitie, neq; mollitie remitten-

mittendus animus. *Plato tom. 2. fisyg:
4. in dial. Alcibiadis.*

12. Cum improbo viro non facias iter.
Publius Mim.

13. Non altiori rei te imponas, in qua
tibi stanti tremendum, ascendenti ca-
dendum sit. *Seneca de 4. virtut.*

14. Noli cito loqui, est enim insanix
indicium. *Bias.*

15. Non aspernandi sunt pauperes, satis
ipsis in ipsa paupertate est mali. *De-
mosthenes contra Eub.*

16. Cavendum est ne assentatoribus pa-
tesfaciamus aures, neq; adulari nos fina-
mus in quo falli facile est. *Cicero lib.
1. officiorum.*

17. Diu cogita an tibi in amicitiam ali-
quis recipiendus sit: cum placuerit fie-
ri, toto illum pectore admitte, tam au-
dacter cum illo loquere, quam tecum.
Seneca Epist. 3.

18. Firmandus est animus ad dolorem
ferendum. *Cic. lib. 1. Tuscul.*

19. Memento sic in vita esse versandum,
tanquam in convivio: siquid enim cir-
cumfe-

cumferendo ad te pervenerit, porrectâ manu modestè capito: præterit? ne detine: Nondum adest? ne longe appetitum extendito, sed expecta dum ad te perlatum fuerit. *Epicletus in suo Enchiridio c. 21.*

20 Irascitur aliquis: tu contra beneficiis provoca. *Seneca lib. 2. de ira cap. 34.*

21. Nosce te esse hominem, fer manlyte fortunam. *Cic. lib. 4. de Arte Rhet: ad Herennium.*

22 Consilia tibi salutifera advoca. *Seneca de 4. virtut.*

23. Despice divitias, si vis animo esse beatus *Cato lib. 4. dist. metr. 5.*

24 Doctrinam ex qua proficere potes in amore Dei illam necessario expete. *Sext. Phil. sent. 244.*

25. Servis tuis hilarem te præstes, non superbè superiorem, colant te potius, quàm timeant. *Seneca Epist. 47.*

26 DEUS ante omnia opera invocandus. *Plato de Legibus.*

27 Si contra mortem te præparaveris, faciet te firmum assidua meditatio. *Seneca Epist. 82.*

Inimi-

APRILIS.

II

28. Inimicitias tardè susceipe amicitias exerce moderatè. *Seneca de moribus.*
29. Primum considera cuiusmodi res sit quam aggredi volueris; deinde, natura tua quoq; eamne ferre queat explora. *Epictetus in suo enchirid: cap. 36.*
30. A familiaribus in minutis rebus læsus, feras. *Pittacus Mytileneus.*
31. Ne gaudeas vanis, fundamentum hoc est bonæ mentis. *Seneca Epist. 2.*

A P R I L I S.

1. **I**N actibus tuis ante oculos pone DEUM. *Sext. Phil. sent. 215.*
2. Non quàm multis placeas, sed quib9, stude. *Seneca de moribus.*
3. Quod nimium est fugito, parvo gaudere memento. *Cato l. 2. distich: metro 21.*
4. Fidelis volens esse, præcipuè quidem hoc nitere, ne pecces, quod etiamsi forte acciderit, saltem cave ne iteretur id ipsum. *Sext. Phil. sent. 238.*
5. Affabilem te dum vivis, omnibus de-

B

fidera-

fiderabilem cum excefferis redde. *Seneca l. 2. de ira.*

6. Promissa servanda non sunt, si tibi plus noceant, quàm illi profint, cui promiseris. *Cicero lib. I. Officiorum.*
7. Quæ mundi sunt, mundo; & quæ Dei sunt, reddantur DEO. *Sixtus Philos: sent. 17.*
8. Oportet in omnibus rebus præstabiliorē imitari. *Arist. lib. 9. Ethic ad Nicomach.*
9. Nullius sensum si prodest, tempseris unquam. *Cato lib. 3. distich. metr. 10.*
10. Oportet privatis utilitatibus, publicas, mortalibus æternas anteferre. *Plin. 11. l. 7. epist. ad Canin.*
11. Qualis vis esse dum Deum oras, talis semper esto. *Sixtus Philos: sent. 72.*
12. Relinque corporis atq; animi voluptates, molliunt enim & enervant. *Seneca Epist. 84.*
13. Ne quid esse videri velis, quod si quid aliis esse videris, ipse tibi diffidito. *Epictet. in Enchirid.*
14. Quod bonum est hoc solum te decere

cere puta. *Sixtus Philos. sent. 186.*

15. Alterius dictum, aut factum ne car-
pseris unquam. Exemplo simili ne te
derideat alter. *Cato l. 3. dist. metr. 7.*
16. Asvesce & dicere verum, & audire.
Seneca Epist. 68.
17. Calamitas æquo animo ferenda est,
& si quid humanitus contigerit, non
est impatienter lugendū. *Plato tom. 2.*
Sisyg: 4. in dial. Menexeni.
18. Quantumcunq; potes celato cri-
men amici. *Cato lib. 3. dist. metr. 3.*
19. Criminatores adversus Sapientiaæ stu-
diosum noli admittere. *Sixt. Philos.*
sent. 250.
20. In hoc incumbere, ut libentius audias,
quàm loquaris. *Seneca de moribus.*
21. Risus ne sit multus, nec ob multa,
nec effulus. *Epictetus in suo enchirid.*
cap. 43.
22. Habenda est ratio rei familiaris, quā
quidem dilabi finire, flagitiosum est.
Cicero lib. 2. officiorum.
23. Claudendæ sunt aures malis vocibus,
& quidem primis: nam cum initium fe-

cerunt admissæ; sunt, plus audent. *Seneca Epist. 123.*

- 24 Non verbum, sed ratio præcedat actus tuos. *Sextus Phil. sent. 66.*
25. Quem superare potes, interdum vince ferendo. *Cato l. 1. dist. metr. 74.*
- 26 Non sit tibi scurrilitas, sed grata urbanitas. *Seneca de 4. virtut.*
- 27 Esto animo forti, cum sis damnatus iniquè; nemo diu gaudet, qui iudice vincit iniquo. *Cato l. 2. dist. metr. 15.*
- 28 Sapientem hominem tanquam Dei ministrum honora post Deum. *Sext: Phil. sent. 303.*
- 29 Neminem susurro appetas, neminem suffodias, palam aggredere. *Seneca de 4. virtut.*
30. Rebus in adversis animum submittere noli. *Cato lib. 2. dist.*

M A J U S.

1. **C**onsilium arcanum tacito committe sodali. Corporis auxilium Medico committe fideli. *Cato lib. 2. dist. cap. 60.*
- Occur-

2. Occurrendum angelcentibus vitiis,
& medendum est. *Plin. 11. lib. 9. epist.*
37. ad Paulin.
3. Amabilis eris DEO, si in hoc illum
imitaberis, ut velis omnibus prodesse,
& nulli nocere. *Seneca de 4. virtutibus.*
4. Sit tibi præcipue quod primum est
cura salutis, tempora ne culpes cum sis
tibi causa doloris. *Cato lib. 2. distich.*
metr. 66.
5. Invesce te ipsum corpori præbere
quæ sunt castè, & animæ quæ sua sunt
piè. *Sext. Phil. sent. 398.*
6. Omnia consilia atq; facta ad virtu-
tem referamus: *Cic. Orat. 56. Philip.*
7. Eum elige adiutorem, quem magis
admireris cum videris, quam cum au-
diêris. *Senec. Epist. 52.*
8. Tempora longa tibi, noli promitte-
re vitæ. *Cato l. 4. distich.*
9. Auribus frequentius, quàm lingua
utere. *Seneca de moribus.*
10. Intellige quæ sint bona, ut bene agas.
Sext. Phil. sent. 49.
11. Mediocritatem in vita sequi oportet,

non excessus. *Arist. l. 4. Polit. c. 11.*

12. Citius ad infortunatos amicos, quàm fortunatos proficiscere. *Cleob: Lyndius.*
13. Vires tuas amici magis sentiant beneficiis, quam injuriis. *Seneca de moribus.*
14. Quod donare potes, gratis concede roganti. *Cato l. 4. Distich.*
15. Gere morem parenti, pare cognatis, obsequere amicis, obtempera legibus. *Cic. lib. 4. de arte Rhetor.*
16. Fortior ut valeas, interdum parcior esto: Pauca voluptati, debentur plura saluti. *Cato lib. 2. distich.*
17. Infelicem erige, submitte felicitatem. *Seneca de moribus.*
18. Quod fieri necesse est, voluntariè sacrificato. *Sixtus Phil: sent. 375.*
19. Zelum de DEO tantum habeas, non contra homines. *Seneca in Proverb.*
20. Fac tibi proponas mortem non esse timendam: Quæ bona si non est, finis tamen illa malorum est. *Cato lib. 3. distich.*
21. Sic certe vivendum est, tamquam in
con-

conspectu vivamus: Sic cogitandum, tanquam aliquis in pectus inspicere possit. *Seneca Epist. 83.*

22 Ne quæras fraude ditescere. *Thales Phil: in suis sent: sent. 5.*

23. Ne cures si quis tacito sermone loquatur: conscius ipse sibi de se putat omnia dici. *Cato lib. 1. distich.*

24 Lauda parcè, vitupera parcius; nam reprehensibilis est nimia laudatio. *Seneca de 4. virtut.*

25. In defunctum maledicta non congerito. *Solon Atheniensis sent. 9.*

26 Instruenda est vita exemplis illustribus. *Senec: Epist. 83.*

27 Dilige sic alios, ut sis tibi charus amicus. *Cato lib. 1. dist.*

28 Nihil tibi liceat dum irasceris, quare? quia vis omnia licere. *Seneca lib. 3. de ira cap. 12.*

29 Ea facito, quorum non possit poenitere. *Periander.*

30 Sis vanæ gloriæ contemptor, & bonorum quibus præditus es non acerbus exactor. *Seneca de 4. virtut.*

31. Majori cede, minori parce. *Cato de præceptis vitæ communis.*

J U N I U S.

1. **M**ansvetè immanſveta tractanda ſūt. *Arist. l. 3. de Irac. 7.*
2. Inſveſce linguam tuam bene prolo-
qui & maximè cum de DEO fit ſermo. *Sext. Phil. ſent. 74.*
3. Noli tu quædam referenti credere
ſemper; exigua eſt tribuenda fides, qui
multa loquuntur. *Cato lib. 2. diſtich.*
4. Vis Deum propitiare? bonus ſis. *Se-
neca Epist. 95.*
5. Feras quod lædit, ut quod prodeſt
perferas. *Publius Mim. ſent. 145.*
6. Ab his incipe, ut non auferas, ſed a-
liis ablata reſtituas. *Seneca de 4. vir-
tutibus.*
7. Quod tibi ſuſpectum eſt, conſeſtim
discute quid ſit. *Cato lib. 4. Diſtich.*
8. Tene hoc mordicus: adverſis non
ſuccumbere, lætis non credere, omnem
fortunæ licentiam irridere. *Seneca E-
piſt. 78.* Bene-

9. Beneficii accepti memor esto. *Cato de præceptis vitæ communis.*
10. Invidiam effugies, si te non ingesseris oculis, si bona tua non jactaveris, si sciêris in finu gaudere. *Seneca Epist. 95.*
11. Ea posside, quæ nullus possit auferre à te. *Sext. Phil. sent. 110.*
12. Respice celeritatem rapidissimi temporis, cogita brevitatem hujus spatii per quod citatissimi currimus. *Seneca Epist. 99.*
13. Quæ nocitura tenes, quam vis sint chara relinque. *Cato lib. 1. dist.*
14. Esto vitiorum fugax, aliorum vero neque curiosus scrutator, neq; acerbus reprehensor. *Senec. de 4. virtut. .*
15. Si benignus fueris erga indigentes, magnus eris apud DEUM. *Sixtus Philof. sent. 45.*
16. Amicos beneficiis fove, quo fiant amicitiores: amicis bene fac quo fiant amici. *Cleobulus Lyndius in sent. 1.*
17. Testimonium veritati, non amicitia reddas. *Seneca de 4. virtutibus.*

18. Castorum vita, sit tibi honestatis exemplum. *Sixtus Philos. sent. 272.*
- 19 Si vultis nihil timere, cogitate omnia esse timenda. *Seneca l. 6. quest. cap. 2.*
- 20 Cum te aliquis laudat, iudex tuus esse memento. *Cato l. 1. distich.*
21. Omnia cum amico delibera, sed de te ipso prius. *Seneca l. 2. offic.*
- 22 Cogita quid antecedere, quid sequi soleat, atq; ita rem gerendam suscipito. *Epictetus in Enchiridio c. 35.*
- 23 Quorum laudes contemnis eorum neq; derogationes magni pendas. *Sixt. Phil. sent. 289.*
- 24 Nihil ex arbitrio virium feceris. *Cato de præc. vitæ commun.*
- 25 In durandus est animus, & à blandimentis voluptatum abstrahendus. *Seneca Epist. 51.*
- 26 A jure jurando abstine. *Periander Corinth.*
- 27 Ne lingua præcurrat mentem. *Pit-tacus Mytil.*
- 28 Dabo tibi poculum amatorium sine herbis

herbis, atq; beneficiis; si vis amari ama.

Seneca Epist. 9.

29 Ne sis unquam elatus inferiores ne
rejas. *Cleobulus Lyndius.*

30 Quod sequitur specta, quodq; immi-
net ante videto. Illum imitare DE-
UM qui spectat utrumq;. *Cato lib. 2.*
distich.

JULIUS.

1. **V**is omnibus esse notus? prius effi-
ce ut neminem noveris. *Seneca*
de moribus.

2 Plus aliis de te, quam tu tibi crede-
re noli. *Cato l. 2. dist.*

3 Prius intellige, & deinde ad opus ac-
cede. *Bias.*

4. Si vis omnem sollicitudinem exue-
re, quidquid vereris nè eveniat, even-
turum utiq; propone. *Seneca Epist. 24.*

5. Est jusjurandum affirmatio Religio-
sa: quod autem affirmando DEO, teste
promiseris, id tenendum est. *Cicero l.*
3. offic.

6. Pasce animam tuam verbo Dei &
corpus

corpus simplicibus cibis. *Sixt. Philos. sent. 399.*

7. Si famam servare cupis (dum vivis) honestam; fac fugias animos; quæ sunt mala gaudia vitæ. *Cato l. 4. distich.*
8. Rumoribus, criminibus, suspicionibus, minime sis credulus. *Seneca de 4. virtutibus.*
9. In hoc unum incumbe, omni studio, ne malus, sed potius vir bonus videaris. *Plato tom. 3. sisygiâ 2. de scientia.*
10. Ingratitudinem tu cave, tanquam maximum crimen ne admittas. *Seneca l. 1. de benefic. c. 20.*
11. Nisi o fili tuum corpus oderis, te ipsum amare non poteris quam primum vero non te, sed DEUM ipsum dilexeris. *Trismegistus lib. de potest. & sapient. Dei cui tit. Pimander.*
12. Patere legem, quam ipse tuleris. *Cato de præc. vitæ comm.*
13. Animum debes mutare non cælum: licet vastum trajeceris mare, sequuntur te quocunq; perveneris, vitia. *Seneca Epist. 28.*

Quid-

14. Quidquid promiseris facito. *Periander.*
15. Quod justum est petito, vel quod videatur honestum: nam aultu u est petere id, quod possit justè negari. *Cato l. 1. distich.*
16. Non facias tui juris, quod alienum est. *Seneca Epist. 77.*
17. Oculis moderare. *Periander Corint:*
18. Nihil pretiosum ducas, quod auferre possit à te homo malus, *Sext: Phil. sent. 122.*
19. Relinque ambitum, tumida res est, vana, ventosa, nullum habet terminu n. *Seneca Epist. 84.*
20. In secundissimis rebus maxime est utendum consilio amicorum, nūq; major quam ante est tribuenda auctoritas. *Cicero lib. 1. offic.*
21. Id agamus ut meliorem vitam sequamur, quam vulgus: suspiciant omnes vitam nostram, sed & agnoscant. *Seneca Epist. 5.*
22. Etiam in cogitationibus tuis mundus esto. *Sext. Phil. sent. 50.*

Quod

23. Quod tacitum esse velis, nemini dixeris. *Seneca de moribus.*
24. Affabilis esto, diutinam amicitiam custodi, concordiam sectare. *Periander Corint.*
25. Utere quæsitis modicè cum sumptus abundat: Labitur exiguo quod paratum est tempore longo. *Cato lib. 2. distich.*
26. Sic vivamus, sic loquamur, ut paratos nos inveniat atq; impigros fatum. *Seneca Epist. 107.*
27. Mediocritatem in vita sequi oportet, non excessus. *Arist. l. 5. Polir. c. 11.*
28. Observa leges circa piaculū non violandas. *Epictet. in Enchirid. c. 54.*
29. Sis occultator virtutum, sicut alii vitiatorum. *Seneca de 4. virtut*
30. Minorem te ne contempseris. *Cato de præc. vitæ comm.*
31. Amicis adversa fortuna utentibus, idem esto. *Periander.*

AUGUSTUS.

1. **A**D unum solumq; DEUM tendam, in com.

incomparabile enim bonum est, sine termino infinitum. *Trismegistus lib 1. de potest: & sapient. Dei cui tit: Pimand.*

2. Quid tibi vitandum præcipue existimem, quæris? turbam: nunquam illi te tuto commiseris. *Seneca Epist. 7.*
3. Ebrietatem, quasi insaniam fuge. *Sixtus Phil. sent. 261.*
4. Bonis benefacito, maledicus ne esto. *Cato de præc. vitæ comm.*
5. Inter pocula non est admonendum. *Plutar: de amicis & adul.*
6. Si vis gratos habere quos obligas, non tantum des oportet beneficia, sed & ames. *Seneca l. 1. de Benef.*
7. Quod merito pateris patienter ferre memento. *Cato l. 3. distich.*
8. Quæ observanda tibi sint, ut tutior vivas, dicam: Nihil æquè prodest quàm minimum cum aliis loqui, plurimum tecum. *Seneca Epist. 105.*
9. Quæ fieri non possunt cave concupiscas *Pittacus Mytilen.*
10. Rem tibi quam noscas aptam dimittere noli. *Cato l. 2. distich.*

Ita

11. Ita vive ut nihil mali committas. *Seneca Epist. 3.*
12. Hæc potest à DEO, quæ dignum est præstare DEUM. *Sext. Phil. sent. 114.*
13. Si fortuna juvat, caveto tolli. *Periander.*
14. Desidiosus nè esio. *Pittacus Mytileneus.*
15. Interpone tuis interdum gaudia curis. Ut possis animo quemvis sufferre laborem. *Catol. 3. distich.*
16. Præscribe tibi formam quandam & legem quam custodias, quamq; & ipse tecum, & in congressibus hominum observes. *Epicl. in Encbir. c. 40.*
17. Non delectent verba nostra, sed prosint. *Seneca Epist. 75.*
18. Ubi semel quis peieraverit, ei credi postea (etiamsi per plures Deos juret) non oportet. *Cic. Orat. 3. pro Rabirio.*
19. Quod peti non vis ab alio, neq; id facias. *Sext. Phil. sent. 169.*
20. Præstabis parentibus pietatem, cognatis indulgentiam, omnibus æquitatem. *Seneca de moribus.*

Fugien-

21. Fugiendum est illud, ne offeramus nos periculis sine causa, quô nihil potest esse stultius. *Cicero lib. 1. offic.*
22. Aures tuas non omnibus committas. *Sext. Phil. sent. 395.*
23. Non vis esse iracundus? ne sis curiosus: qui inquit quod de se dictum sit, se ipsum inquietat. *Seneca lib. 3. de ira cap. 11.*
24. Conandum est pro viribus, educationis, studiorum, doctrinarum diligentia, improbitatem repudiare, probitatem capessere. *Plato tom. 3. sisyg. 5. in dialogo Timæi.*
25. Cogitationes vagas, & inutiles velut somnio similes non recipies, sed cogitatio tua stabilis & certa sit, siue deliberet, siue quærat, siue contēpletur nō recedat à vero. *Seneca de 4. virtut.*
26. Jusjurandum serua, vino tempera. *Cato de præceptis vitæ commu.*
27. Age quæ iusta sunt. *Periander Corin.*
28. Cupiditatem comprime, si non potes paululum remitte. *Seneca de morib.*
29. Iudicium populi nunquam contem-

plēris unus; ne nulli placeas dum vis
contemnere multos. *Cato l. 2. distich.*

30. Injurias fortunæ quas ferre nequeas,
diffugiendo relinquas. *Cicero l. 5. quæst.*
Tuscul.

31. Ne efferaris gloriâ. *Periander Cor.*

SEPTEMBER.

1. **E**A debes velle, quæ & DEUS vult.
Sext. Phil. sent. 126.

2. Reconciliatio tua & facilis sit & cer-
ta. *Seneca Epist. 105.*

3. Pauca in convivio loquere. *Cato de*
præceptis vitæ comm:

4. Justus ut sis, non solum non noce-
bis, sed etiam nocentes prohibebis. *Se-*
nec. de 4. virtut.

5. Non te impediat à benefaciendo ho-
mo ingratus. *Sext. Phil. sent. 319.*

6. Quæ culpæ soles ea tu ne feceris i-
pse: Turpe est doctori, cum culpa re-
darguit ipsum. *Cato l. 1 distich.*

7. Percussit te quis, recede; referendo
enim occasionem sapius ferendi dabis.
Seneca l. 4. de Ira.

8. Bonos in pretio habeto. *Perian: Cor.*

Pere-

9. Peregrini non sunt pellendi, neq; à finibus nostris arcendi, sed perhumaniter excipiendi. *Plat: tō: 2. syzyg: 4. l. 12.*
10. Devita crudelitatem, & ministram crudelitatis irám. *Seneca de moribus.*
11. Ne sis ventosus dum vis urbanus haberi, *Cato lib. 1. distich.*
12. Non adhibeas in consilium cogitationum tuarum desperationem. *Cicero l. 6. Ep. 1. ad Torquatum.*
13. Continentiam si diligis, circumcide superflua, & in arctum desideria tua cōstringe. *Seneca de 4. virtutibus.*
14. Instrue præceptis animum, nec discere cesses: Nam sine doctrina vita est quasi mortis imago. *Cato lib. 3. Distich.*
15. Contentus esse mediocribus stude. *Sext: Phil. sent. 90.*
16. Sic demus, quomodo vellemus accipere: ante omnia libenter, cito, sine ulla dubitatione. *Senec: l. 2. de Benef. c. 1.*
17. Quemadmodum in ambulando caves ne clavum calces, pedemve distorqueas; sic in degenda vita cave ne gubernatricem actionum mentem tuam lædas, *Epictetus in enchirid: cap. 60.*

- 18 Quidquid facies respice ad mortem.
Seneca Epist. 114.
- 19 Audacter roga Deum bonam mentē,
bonam valetudinem animi, deinde corporis. *Seneca Epist. 10.*
- 20 Ei qui beneficium dederit, referendum beneficium est, & rursus is qui accepit, alterum beneficio provocare debet. *Arist. l. 4. de morib. c. 5.*
- 21 Cum dubia in certis versetur vita periculis, pro lucro tibi pone diem quocunq; laboras. *Cato lib. 1. distich.*
- 22 Quantum laboras pro corpore, si tantum labores pro anima, sapiens eris. *Sext. Phil. sent. 291.*
- 23 Remove existimationem hominum, dubia semper est & in partem utramq; dividitur. *Seneca Epist. 26.*
- 24 Tollenda est cupiditas, atq; extrahenda radicitus. *Cic: l. 2. de finib.*
- 25 Execrabile tibi sit etiam justè (vindictandi scilicet causâ) aliquid punire. *Sext. Phil. sent. 66.*
- 26 Alteri vivas oportet, si vis tibi vivere. *Seneca Epist. 48.*
- 27 Somnia ne cures, nam mens humana
quod

OCTOBER.

31

quod optat, dum vigilat sperans per somnum cernit id ipsum. *Cato l.2. distich:*

28. Nihil temere credideris. *Cato de præc. vitæ comm.*

29. Sermones tui vitam commendent auditoribus. *Sixtus Philos. sent. 167.*

30. Non est emolliendus animus. *Seneca Epist. 51.*

OCTOBER.

1. **B**landus esto, irasci ab re noli, neminem irriseris. *Cato de præc. vit: cō:*

2. Decet non solum manus, sed etiam oculos abstinentes habere. *Cic. l.1. offic.*

3. Cum consideratione promitte, plenius quæ promiseris, præsta. *Seneca de 4. virtut.*

4. Persevera ut capisti, & quantum potes propera, quo diutius frui voluptate contemplationis emendato animo & composito possis. *Seneca Epist. 4.*

5. Omne tempus quo de DEO non cogitas, hoc puta te perdidisse. *Sixtus Phil. sent. 47.*

6. In rebus prosperis ad votum nostrum fluentibus superbiam magnopere & fastigium arrogantiamq; fugiamus. *Cic. l.1. offic,*

7. Alacres & recti quocunq; res nos tulerit intrepido gradu properemus. *Seneca: de consolat. ad Helv.*
8. Memor esto propositi tui. *Plin. ii. lib. 10. epist. 43. ad Trajan.*
9. Tibi diligentissimè est lingua continenda. *Cic. l. i. Epist. ad Quint. frat.*
10. Æquo animo audienda sunt imperitorum convitia, & ad honesta eunti contemnendus est iste cōteptus. *Sen. ep. 76.*
11. Qualem vis esse proximum tuum tibi, talis esto & tu tuis proximis. *Sext. Phil. sent. 81.*
12. Succurre paupertati amicorum imo occurre. *Seneca de moribus.*
13. DEO supplica, Parentes ama, cognatos cole, magistrum metue. *Cato de præceptis vitæ comm.*
14. Gratificandum est potius pauperi quàm diviti, seni, quàm juveni. *Plato tom. 3. sisyg: 5. in dial. Phædri.*
15. Si vis aliquem æstimare, totumq; scire qualis sit, faciem solve, multum enim mali sub illa latet. *Seneca Epist. 80.*
16. Fer quod necesse est, sicut necesse est. *Sext. Philos. sent. iii.*

17. Danda est remissio animis, ut meliores acrioresq; requieti surgant. *Senec: de tranquillit. anim. c. 15.*
18. Pecuniæ est fugienda cupiditas; nihil enim est tam angusti animi, tamq; parvi, quam amare divitias. *Cicero de Paradox. c. 5.*
19. Ante circumspiciendum est cum quibus edas & bibas, quam quid edas & bibas. *Senec. Epist. 19.*
20. Si quis nunciârit quendam tibi maledicere, ne refuta quæ dicta sunt, responde: nesciste cætera tua vitia, nam alioquin non illa sola fuisse dicturum. *Epict. in Enchir: c. 48.*
21. Quantum potes te ipsum coargue, *Seneca Epist: 28.*
22. Quæ gratis accipis à Deo, præstare gratis. *Sext. Phil. sent. 233.*
23. Quod præstare potes, ne bis promiseris ulli. *Cato lib. 1. dist.*
24. Non tibi adscribas quod non eris, nec quod es, nec major quam es videri velis. *Seneca de 4. virtut.*
25. Viri proficientis vitam tibi sume, ac
- C4
- ..quid-

quidquid tibi visum fuerit optimum, ea sit lex. *Epict. in Enchir. c. 75.*

26 Iracundo non faciliè credendum est, ne sint aures criminantibus faciles. *Sen. l.2. de Ira c.22.*

27 Demus alienis oblectationibus veniam, ut nostris impetremus. *Plin. II. l.2. epist. 17. ad Gentorem.*

28 Solitudinem quærat, qui vult cum innocentibus vivere. *Seneca de moribus.*

29 Veritatem dilige, nihil tam vernaculum sapientiæ quam veritas. *Sext. Phil. sent. 148.*

30 Theatra frequentare non est necesse. *Epict. in Enchir. c. 49.*

31. Cum alios timueris, te ipsum vere-re, nam sæpè sine aliis esse potes, sine te nunquam. *Seneca de moribus.*

NOVEMBER.

1. **E**Xordium in agendo à DEO fume, quæ agis. *Sext. Phil. sent. 278.*

2. Meditare mortem: egregia res est mortem condiscere. *Seneca Epist. 27.*

Quæ-

3. Quæcunq; ex rebus transitoriis possides, non mireris; nec magnum æstimes, quod caducum est. *Seneca de 4. virtutibus.*
4. Cogita DEUM præsentem, semper agentem omnia, DEUM unicum voluntate sua cuncta constituentem. *Trismegistus lib. de potest: & sapientia Dei cui tit: Pimander.*
5. Opta ut bene possis facere inimicis. *Sixtus Phil: sent. 204.*
6. Opus aliquod aggressurus ipse tibi subjcito, cujusmodi sit illud opus. *Epictetus in Enchiridio c. 9.*
7. Beneficii accepti nunquam oportet oblivisci, dati protinus. *Seneca de moribus.*
8. Lingva tua sensum tuum sequatur. *Sixtus Philo: sent. 143.*
9. Ne major minorvè cura suscipiatur, quàm causa postulat. *Cicero lib. 1. Officiorum.*
10. Sic habita, ut potius laudetur Dominus, quam Domus. *Seneca de moribus.*

11. Rebus in adversis animum submittere noli. *Caro lib. 2. distich.*
12. Sicut in beneficiis laudari vis, ita in delictis, patienter accipe si culperis. *Sixtus Philos. sent. 298.*
13. Non est accedendum eo, unde liber recessus non sit. *Seneca de tranquill. animi c. 5.*
14. Adhibenda est munditia in ornatu, non odiosa nequè exquisita nimis. *Cicero lib. I. officiorum.*
15. Si vis tibi omnia subicere, te subice rationi, multos reges, si te ratio rexerit. *Seneca Epist. 37.*
16. Sis in adolescentia continens, in media ætate justus, in senectute sapiens, in morte sine dolore. *Sodiades.*
17. Ego vos hortor quantum possum, ut amicitiam omnibus rebus humanis anteponatis. *Cic. de amicit.*
18. Opportunitatem expectato. *Periander Corint.*
19. Si vis esse felix, cogita hoc primum: contemnere & contemni. *Seneca de moribus.*

Quod

- 20 Quod non posuisti ne tollas, sed sufficientiant tibi quæ tua sunt. *Sext. Philos. sent. 254.*
21. Dicentium esto tacitus auditor, audientium promptus receptor. *Seneca de 4. virtut.*
- 22 Quatenus nobis denegatur diu vivere, relinquamus aliquid, quô nos vixissê testemur. *Plin. II. l. 3. epist. 7. ad Caninium.*
23. Objurgationi semper aliquid blandi admisce, facilius enim penetrant verba, quæ molli vadunt viâ, quàm asperâ. *Seneca de moribus.*
- 24 Nè quavis re doleas. *Periander Corinthus.*
- 25 Sales tui sint sine dente, joci sine vititate, risus sine cachinno, vox sine clamore, incessus sine tumultu. *Seneca de 4. virtut.*
- 26 Vive ut convenit, delibera tecum, & perpende quid velis: quia ut in illa æterna venias, per ista exeundum est. *Seneca de consolat. ad Marciam.*
- 27, Parva peccata & si voluntaria fuerint, igno-

ignoscenda; si quis vero per ignorantiam deliquerit, commonefaciendo corrigatur. *Aristotel. lib. 2. Oeconom. cap. 2.*

28 Discere ne cesses, curâ sapientia crescit. *Cato l. 4. distich.*

29 In omnibus quid tempora petant, aut quid personis dignum sit, considerandum est. *Cicero lib. 2. de Invent. Rhetor.*

30 Facillime bonis frueris, si ea vitaveris, quæ vituperaveris. *Seneca de moribus.*

DECEMBER.

1. **A**Nte omnia venerare numen. *Pit-tacus Myrrileneus.*

2. Hoc tibi ante diem mortis præsta, ut moriantur in te vitia. *Seneca Epist. 27.*

3. Delibera priusquam agas, & ante quam agas prævide quale sit quod facturus es. *SixtusPhilos. sent. 85.*

4. Te igitur emenda, onera tibi detrahe, & desideria saltem intra modum contine,

time, omnem ex animo erade nequitiam. *Seneca Epist. 104.*

5. Danda est opera ut omnes intelligāt (si salvi esse velint) necessitati esse parendum, non voluptati, *Cicero lib. 1. officiorum.*

6. Longe discedendum est, ab omni obsecanitate verborum. *Seneca lib. 1. Controuer. 2.*

7. Quod male fers, asvesce; feres bene, multa vetustas lenit. *Ovid. 2. de art. amandi.*

8. Incontaminatum custodi corpustum, tanquam si indumentum acceperis à DEO, & sicut vestimentum corporis, immaculatum servare stude. *Sext. Phil. sent. 429.*

9. Hoc à te exige: qualem statum institueris præstare te, talem usq; ad exitum serves. *Seneca Epist. 120.*

10. Prospice qui veniunt hos casus esse ferendos: Nam levius lædit, quidquid prævidimus ante. *Cato l. 2. distich.*

11. Quidquid de te dictum fuerit, id necurato, id enim non jam tui est arbitrii. *Epictet. in Epichirid. c. 74.*

12. Animi tui motus corporisq; observa, ne indecori sint. *Seneca de 4. virtutibus.*
13. Plus vigila semper, nec somno deditus esto. *Cato lib. 1. dist.*
14. Hanc sanam & salubrem formam vitæ teneto, ut corpori tantum indulgeas, quantum bonæ valetudinis sit. *Seneca: Epist. 8.*
15. Si DEUS est animus nobis, ut carmina dicunt; hic tibi præcipue sit purâ mente colendus. *Cato lib. 1. distich.*
16. In omnibus negotiis priusquam aggreddi, adhibenda est præparatio diligens. *Cic. lib. offic.*
17. Mittamus animum ad illa, quæ æterna sunt, miremur in sublimi volitantes rerum omnium formas, Deumq; inter illa versantem & providentem. *Seneca Epist. 58.*
18. Ita perficiendum est, (si quid agere aut efficere vis) ut homines te non solum audiant verum etiam libenter studiosèq; audiant. *Cic. Orat: 4. pro Cæcilio.*

Cumq;

19. Cumq; mones aliquem nec se velit ipse moneri, si tibi sit charus noli desistere capris. *Cato l. 1. distich.*
20. Ira procul absit, cum qua nihil rectè fieri, nihil consideratè potest. *Cic. l. 1. Officior.*
21. Sui ipsius sit prius bonus custos, qui alios custodire cupit. *Plato tom. 2. symy: 4. l. 3. de Republ.*
22. A turba quantum potes te separa. *Seneca l. 4. quest:*
23. Vis ciborum voluptatem contemnerè? exitum specta. *Seneca Epist. 110.*
24. Videte ne dum terram custoditis, cælum amittatis. *Val: Max. lib: 7. dict. memorab. c. 2.*
25. Recede in te ipsum quantum potes, cum his versare qui te meliorem facturi sunt, illos admitte, quos tu facere potes meliores: mutuo ista fiunt, & homines dum docent, discunt. *Seneca Epist. 7.*
26. Prius de vestro delicto confiteamini necesse est, quàm proximi ullam culpam reprehendatis. *Cic. Orat. 4. pro Ligarie.*
Ut sa-

- 27 Ut sapiens vivas, audi quod discere possis. *Cato lib. 2 distich.*
- 28 Hæc aliis dic, ut cum dicis audias ipse. *Seneca Epist. 96.*
- 29 Durius tractandum est corpus, ne animus male pereat; cibus famem sedet, potio sitim extingvat, vestis arceat frigus. *Seneca Epist. 8.*
- 30 Non ego te jubeo semper imminere libro, dandum est aliquod interval- lum animo, ita tamen, ut non resolvatur, sed ut remittatur. *Seneca Epist. 15.*
31. Finem vitæ existima vivere secundum DEUM. *Sixtus Philos. sent. 191.*

Ad
M. + D.
G.



PASSIO CHRISTI

In centum Meditationes brevif-
simas immensum fructum
adferentes

D I S T R I B U T A.

*Ad obtinendam salutem eternam
legentibus & devotè consi-
derantibus*

P O R R E C T A.

Ad Majorem CHRISTI pati-
entis, MATRISq; Dolo-
rosæ Honorem &
Gloriam

E X P R E S S A.

* * * * * † † † * * * * *

Ad
LECTOREM.

GRatissimam quamvis exiguam hanc operam esse judicabis, Lector benevole, si puncta ejus spectaveris & illa in mentis sede collocaveris. Nihil enim gratus Regi Dolorum præstare poteris, quam ut Passionem Ejus per brevissima puncta cogitaveris. Quod ut perfectius præstes, animum Authorum veritate confirmes, quàm sit saluberrimum cogitare Passionem Domini. Qui dicunt:

Simplex recordatio seu meditatio Passionis CHRISTI plus valet, quam si integrum annum jejunaret quis in pane & in aqua, vel si quotidie legeret psalterium unum, vel si quotidie virgis ac flagellis caderetur usq; ad effusionem sanguinis. Albertus Magnus.

Nullus omnino potest aliquid humiliter de passione legere, vel cogitare (licet modico affectu forte id faciat) quin eximium salutis fructum inde referat. Blofius Instit. Spir. c. 6. Nihil

*Nihil est, quod ita ab omnium vitio-
rum impulsu & contagione, cogitatio-
nem nostram purificat, & in puritate
conservat, sicut jugis memoria Crucis ac
Passionis Domini JESU. S. Bernard:
de Passio: Domini c.44.*

*Nullum tam potens est, tam efficax
remedium in adversitatibus, medicamen-
tum contra ardorem libidinis, quàm me-
moriam Passionis CHRISTI. S. Augu-
stinus.*

*Non possum terreri multitudine pecca-
torū, si mors Domini in mentem meam ve-
nerit. Idem.*

*Veniat ergo semper in mentem Passio
CHRISTI, precor.*



METHODUS

faciendi Meditationem.

UT aliqua facilis Regula habeatur, scilicet fiat oratio mentalis sine confusione, communiter octo modis ex ordine enumerandis à variis Ascetis fieri debet.

1^{us} Modus est. Preparatio quàm fieri potest diligentissima, quæ ipsa quoque duas partes in se continere debet. 1^{ma}. Scilicet præter punctum sibi propositum ad meditandum, lectum vel auditum, aut etiam ex propria sua præfixum mente, imprimis & ante omnia necesse repellere omnes vanas cogitationes signo Crucis, vel aquâ benedicta. 2^{da}. Scilicet exercendi actus fidei, spei, & charitatis. In actu Fidei considerando præsentiam DEI sequæ veluti stantem coram Majestate ejus circumdata Martyrum, Virginum, SS. nec non Angelorum Corona credere. In actu Spei sperando misericordiam, tam in hac quàm in altera vita se à Domino obtenturum sperando mercedem
pro

pro suis meritis, quantumcunq; bonis dicendo cum Psalmista: Sit Domine misericordia tua super nos quoniam speravimus in te. In actu Charitatis. Sic dicendo: Amo Te Domine super omnes mundi celiq; delicias, & ideo appetio te magis quam mundi celi gazas. Amo te quia es summe bonus, summe misericors, Creator meus, & Redemptor meus, omni momento Benefactor &c.

2dus. modus est: Meditatio, ubi attentissime & sine distractione v.g. de Passione Domini nostri IESU Christi, meditando quanta amore nostri passus, quantum beneficium amoris praeiit, mori dignatus, ut nos vivamus &c. & sic extendendo.

3tius. modus. Est Reflexio, reflectendo supra proprium statum suum ita miserum, quia in statu est semper peccati, & vilipensionis tam magni pretii in Passione Christi existentis unde pendet salus aeterna. Quam propter reflectendo se intelligat: pendet infernus: nisi egero poenitentiam, nisi cognovero quantis in Passione Christi affluo beneficiis, nisi particularia vitia, peccata innumera contra Deum, contra proximum,

num, contra me ipsū, quorū præmiū (DE-
US me servet) infernus est, vitavero.

4tus modus est: Dolor seu contritio
pro illis omnibus directè peccatis quæ hac
septimana vel die sunt perpetrata, & hoc
fieri debet ex alto flagrantissimoq; amore,
corde.

5tus modus est: Propositum firmū am-
plius emendandi; à vitiisq; talibus, & ta-
libus solitis abstinendi, Deoq; majori fer-
vore serviendi, Passionis merita intelligēdi.

6tus modus est: Petitio v.g. petendo
gratiam à Domino servandi hoc propo-
situm à vitiis & peccatis abstinendi, virtu-
tibusq; particularibus insistendi, v.g. Pa-
tientiae, humilitati &c.

7mus modus est: Oblatio offerendo
illam meditationem, bona opera, affectū
Sanctorum, & qualemcunq; injuriam si-
bi illatam à proximo &c.

8vus modus est. Gratiarum actio pro
innumeris ab ipso suæ conceptionis momē-
to beneficiis, semper hucusq; præstitis à
benefactore Domino meo JESU Christo
gratias agendo, pro sua vocatione, pro eo
quod in fide Catholica fueris natus &c.

PRÆ-



P R Æ P A R A T I O

AD MEDITATIONEM.

Veni Sancte Spiritus reple tuorum
corda fidelium, & tui amoris in eis i-
gnem accende.

℣. Emitte Spiritum tuum & crea-
buntur.

℞. Et renovabis faciem terræ.

O R A T I O.

Singulis Meditationibus præmittenda.

Omnipotens sempiterne DEUS, ego
indignissimus peccator coram im-
mensa bonitate tua me constituo, Teq;
hic præsentem omni reverentia & sub-
missione adoro, ac rogo suppliciter ne
me despicias servum tuum, sed inveniā
gratiam & misericordiam in oculis tu-
is, ut virtutes & legem tuam digne me-
ditari valeam ac exaudiri merear in cō-
spectu Divinæ Majestatis tuæ, eaq; omnia
quæ ad nominis tui laudē animaq; meæ
salutem agenda esse cognovero opere i-
pso compleam. Per Dominum &c:

ORATIO 2.

*Ex D. Bernardo dicenda ante vel post
Meditationem.*

OJFSU! JESU mi, ad Passionis Tuæ
gloriosa insignia in quibus salutem
meam operatus es, totum me inclino.
Tuæ victoriosæ Crucis regale vexillum
in nomine Tuo CHRISTE adoro. Tu-
um spineum diadema, Tuos rubentes
Sangvineos clavos, Tuo sacro Lateri im-
mersam lanceam, Tua vulnera, Tuum
Sangvinem, Tuam mortem, Tuam se-
pulturam, CHRISTE supplex adoro &
glorifico. Confige Cruci Tuæ manus
meas, & pedes meos, ac totum passio-
ni Tuæ conforma servum tuum
Domine.

A
M + E
N.

§§§§§§§§ ++ §§§§§§§§

J.N.R.J.

+

+

+

J. N. R. J.

MEDITATIO I.

JESUS Pascha juxta legem cum Discipulis manducavit.

Qui legi non suberat, legem observat, quid ego subditus?

O JESU! exitus aquarum deducant oculi mei, quia non custodivi legem tuam.

MEDITATIO II.

Discipulorum, etiam Judæ, pedes lavat, exosculatur.

Dominus servus! Magister discipulis! non enim venerat ministrari sed ministrare. Dic tu superbe: nunquid servus supra Dominum? Discipulus supra Magistrum?

O JESU! vicisti superbiam meam humilitate tua.

MEDITATIO III.

A Juda venditur triginta argenteis, qui
Sangvi-

Sanguine suo venerat emere peccatorem.

Ecce tanti te fecit DEUS! vis scire, quanti tu illum facias? propter modicam voluptatem offendis & vendis.

O JESU! quam doleo me Te toties sic appretiassè! malo millies, & millies mori, quàm Te offendere.

MEDITATIO IV.

Amorem Discipulis ceu symbolum cōmendat, scilicet; qui totus erat amor, ex abundantia cordis loquebatur.

Qui ergo non amat, putas illius noscetur Discipulus?

O JESU! amor meus, cur tam sero Te amavi & proximum? amo & amabo in æternum.

MEDITATIO V.

Panem convertit in Corpus suum, idq; nobis in cibum reliquit. Sic optabat uniri nobis.

Ex hoc patebit, an non vicissim ames, si & tu anheles hoc ei cibo uniri.

O JESU! quid ni amem Te mei tam amantem. Quis mihi det, ut de Carne tua saturetur.

ME-

PASSIO
MEDITATIO VI.

47

Vinum convertit in Sangvinem, quo
potemur.

Philtrum hoc est, quo in sui amorē
velimus, nolimus, cogat.

*O JESU! Sanguis Tuus me inebriet,
ut nihil sciam, quam Te toto corde, totā
animā, tota mente & totis viribus a-
mare.*

MEDITATIO VII.

Hymno dicto exiit in hortum olivarū,
ultro & cum gaudio vadit ad passionem
amore mei.

Ego ad obsequium Dei vocor, du-
cor, stimulor, trahor & non vado.

*O JESU! libens & volens sequor Te
ne à Te olim audiam; quia vocavi & re-
nuisti, ego in interitu Tuo ridebo.*

MEDITATIO VIII

Tristatur ad mortem. Quis? Gaudium
Angelorum. Cur? quia fera pessima
(peccatum) me devoravit.

Et ego ausim in rebus pessimis læta-
ri & exultare, cum male fecerim?

*O JESU! execror hoc ipso momento
omnia*

*omnia delicta mea & detestor memetipsū,
& quidquid ad peccandum aliquid vel po-
tuit, vel potest allicere.*

MEDITATIO IX.

*In tristitia ad Patrem orat, si possibile sit,
transeat calix dummodo non ali-
ter, quam Patri placeat.*

*Ego in afflictione à creaturis solatio-
la emendico, meum velle, Divino præ-
pono.*

*O JESU! Tu esto Consolator animæ
meæ, absit, ut quæram aliquid extra Te,
aut aliter quam Tibi placeat*

MEDITATIO X.

*Fit sudor ejus sicut guttæ sanguinis. Ni-
si peccasset in horto voluptatis ho-
mo, non funderet Sanguinem in
horto Getsemani DEUS.*

Tanti adhuc voluptatem faciam?

*O JESU! vilescat mihi vanitas, desipi-
at voluptas, sordescat quidquid mundus
æstimat, Tu solus mihi placeas, & suffi-
cit.*

MEDITATIO XI.

*In summa angustia sustinuit, qui conso-
lare-*

laretur, & non invenit ex discipulis suis, qui secum una hora vigilaret.

Heu! mea socordia est, de animæ salute agitur, dormio; offendendus est DEUS, vigilo.

O JESU! confige timore tuo carnes meas, & spiritum meum corrobora, ut semper pro honore tuo & animæ meæ salute vigilem, irruit enim adversarius, querens quem devoret.

MEDITATIO XII.

Sic Patri æterno obedire & pro homine pati amat, ut hostibus occurrat, semetipsum offerat.

Obedientia nisi prompta nulla est, quæ ergo mea,

O JESU! sic doce me semper & tuam, & æterni Patris tui voluntatem facere, ut prompte, & alacriter Divinæ legi obediam.

MEDITATIO XIII.

Accedit judas proditor, admittit; salutat, non recusat: osculatur, non rejicit, insuper amicum vocat.

Nisi

Nisi & inimicos amo, non est charitas CHRISTI in me.

O JESU! aufer à corde meo omne odium, ut nemini malum pro mala reddam, sed inimicos etiam in tuis visceribus complectar.

MEDITATIO XIV.

Non vult defendi gladio Petri, quid ita? ut calicem passionis biberet, quem dederat Pater.

Quomodo ego calicem quem DEUS mihi præbet bibo?

O JESU! accipiam de manu tua & prospera & adversa, ad omnia æque paratus & benedicam nomen tuum.

MEDITATIO XV.

Abscissam à Petro auriculam Malcho sanat, Sacerdotum principis servo, hosti suo.

Immensà planè charitas CHRISTI, & mea quàm exigua, quæ hostibus non benefacit.

O JESU! da mi hanc charitatem tuam imitari, & de pessimis hostibus quàm optime mereri, nè charitate tua fiam indignus.

MEDI-

MEDITATIO XVI.

Capitur, & ligatur; Quis? Dominus omnium. Cur? ut me ruptis vinculis sibi mancipet.

Et ego ruptis vinculis charitatis ejo, me rursus induam vinculis peccati?

O JESU! quam infelices horæ, quibus fui ad malum liber; disrumpe hæc vincula, ut non sim servus peccati, sed tuus, nam tibi servire regnare est.

MEDITATIO XVII.

Captus deseritur. Quis? Maximus benefactor. A quibus? à suis quibus paulò, antè dederat se in cibum. Cur? ex timore.

Ità & ego agam cum DEO meo? o pudor!

O JESU! non timeam eos quominus Te sequar, qui ubi occiderint corpus, non habent quod amplius faciant, sed timeam Te, ut sequar Te, qui potes & corpus & animam mittere in gehennam.

MEDITATIO XVIII.

Trahitur & raptatur in urbem veluti latro, ut patiat. Cur sic?

Nimi-

Nimirum eum servire feci in peccatis meis & adhuc pergo?

O JESU! trabe me post Te, & fac me servire in manlatis tuis. Ab cur Te offendi! absi nunquam Te offendissem.

MEDITATIO XIX.

Stat coram Anna, ceu malefactor corā judice.

Ego sum, qui peccavi. Iste qui Agnus innocens est, quid mali fecit? si innocens sic judicatur, quid me nocentem manebit?

O JESU! da mihi ut quod male feci, prius corrigam, quā stem coram te Judice, à judiciis enim tuis timeo.

MEDITATIO XX.

De Discipulis, qui, quales, ubi sint? rogatur. Tacet. Cur? cum bene de iis loqui non potuit, male noluit.

Quam infrænata mea lingua!

O JESU! pone ori meo custodiam, ut non delinquam in lingua mea; veniant cordi verba mea, antequam semel ad linguam.

MEDI-

MEDITATIO XXI.

Rogatus, quid docuisset, respondet, se non in occulto sed palam in templo locutum. Non tacet, ne veritas patiatur.

Væ mihi! veritas premitur, & ego taceo?

O JESU! ne permittes à vanitate cor meum ita occupari, ut aut veritati tue me opponam, aut ei testimonium perhibere formidem.

MEDITATIO XXII.

Alapâ cæditur, hanc alapam ei veritas peperit.

O indignitas! Dominus cæditur à seruo, & injuste, & patitur. Ego cum promeritis puniar, excandesco.

O JESU! Quam soavis est spiritus tuus; ut tuus sim, doce me non maledicere cum maledicor; non repercutere, cum percutior.

MEDITATIO XXIII.

Mittitur ad Caiphā anni illius Pontificem accusandus. Cur? quia captus est in peccatis nostris.

Ergo quod ego deliqui, ab illo exigitur.

O JESU! Non amem te, quia sic amā-

*fi me? non etiam amore tui patiar ego,
tot scelerum reus? dignare me JESU
pati pro te.*

MEDITATIO XXIV.

Accusatus falsò, nihil excusat: nimirum
accusabant eum peccata mea.

Ego intant s verè reus, me justifico?

*O! nos miseri filii Adæ, qui tam prom-
pti sumus ad excusandas excusationes in
peccatis! quid fiet cùm venerit ad judi-
candum, cui omnia patent.*

MEDITATIO XXV.

Fatetur se filium DEI, & dicunt: bla-
sphemavit.

Grandis injuria! eã potuit ulcisci, & no-
luit; meas ego ulcisci non possũ & volo?

*Tu dixisti o! DEUS: mihi vindicta, &
ego retribuam; absit igitur, ut eam mihi
vindicem.*

MEDITATIO XXVI.

Dicunt reus est mortis, Quæ causa mor-
tis? se fecit Filium DEI.

Nunquid non magis ego sum reus
mortis, qui cum essem filius DEI, feci
me Filium Diaboli.

O JESU!

*O JESU! per passionem tuam destrue
in me, quod ego feci, ut reformetur in me,
quod tu fecisti.*

MEDITATIO XXVII.

Spuunt in faciem ejus. Cur hoc? quia
peccata mea tam vilem fecerunt eum.

Et ego caput meum effero?

*O JESU! intolerabilis est superbia
mea, ut ubi majestas humiliatur, vermis
insletur, & tumescat.*

MEDITATIO XXVIII.

Certatim infliguntur ei alapæ, & instar
mancipii non aperit os suum.

Et ego alapâ alapâ, imò morte ulciscar?
profectò non sapio, quæ CHRISTI sunt.

*O JESU! quàm tibi sum dissimilis, vae
mibi! si has alapas, propter peccata mea,
in me velis ulcisci! ab parce!*

MEDITATIO XXIX.

Facie velata eum cadunt, dicentes: pro-
phetiza, quis te percussit?

Grandis blasphemia, sed à me, dum
pecco, dico: quis videt?

*O JESU! tu vides, tu scrutaris corda
& renes! ubi me abscondam à vultu iræ*

tue? frustra latere volo videntem omnia.

MEDITATIO XXX.

Petrus negat se nôsse Christum, noverat in cœna, cum eo mori paratus, nunc in vinculis non novit.

Sic scilicet ago cum CHRISTO.

O JESU! En qualis meus amor! prospera fluunt, sequor; adversa ingruunt, fugio; non ille verè amat, qui non semper amat.

MEDITATIO XXXI.

Dominum negat cum juramento. Ubi sic Petrus profecit? inter malos.

Difficile est inter malos, malum non fieri, pejorem fieri credo.

O JESU! Non adhæreat pes meus semitis impiorum. Quid prodest versari cum iis, quibus tam primum est labi.

MEDITATIO XXXII.

Tertiò cepit detestari, & anathematizare, quia non nôset CHRISTUM. Unde tanta ruina Petri?

Turpius semper labitur, qui non illi cò surgit; Heu me! quò ego tandem labor?

O JESU!

PASSIO

57

*O JESU! Succurre cadenti! si cecidero
in profundum, da manum surgenti.*

MEDITATIO XXXIII.

Petrus fit præceps: ruentem respicit JESUS, & erigit.

Ruentes ego negligo, vel etiam impello. O quanta JESU bonitas! quanta mea malitia!

*JESU verè non vis mortem peccatoris,
sed ut convertatur, & vivat! respice etiam
in me, ut verò animarum zelò accendar.*

MEDITATIO XXXIV.

Ad CHRISTI aspectum Petrus egreditur foras, amarè deflet peccatum suum.

An non & ego in peccatis meis toties à CHRISTO respicior? ubi lacryma? ubi pænitentia?

*O JESU! verè facis solem tuum oriri
super bonos & malos, aspice me, & non
permittas me infigi in luto profundi.*

MEDITATIO XXXV.

Reliquum noctis inter militum illusiones & injurias, in silentio pro peccatoribus orans, peregit.

Et ego illud voluptatibus consecro.

E3

O JESU!

O JESU! quantum me amas, qui semper mei recordaris; Heu! quantulum ego te, qui tui tam facile obliviscor.

MEDITATIO XXXVI.

Summo mane vinculus trahitur per plateas Hierusalem ad Pilatum, ubique relinquens signa amoris tui, & patientiæ.

Ego vinculus diaboli in plateis Babylonis, relinquo ubique signa malitiæ.

O JESU! disrumpe hæc vincula mea, ut sim vinculus tuus in vinculis charitatis.

MEDITATIO XXXVII.

Accusatus subvertisse gentem, & negasse tributum Cæsaris, innocentiam fretus filet, qui pertransiit benefaciendo & sanando omnia, & reddi, quæ sunt Cæsaris Cæsari, iussit.

Me Conscientia arguit, & excuso.

O JESU! quàm tu innocens, quàm ego sum nocens, & accusari tamen non fero, Pròh! meam superbiam!

MEDITATIO XXXVIII.

Rogatur num Rex sit? fatetur, sed regnum suum negat esse de hoc mundo.

JESUS Nullum amat commercium

cum

cum hoc mundo, & ego sic ambio!

O JESU! non sum de hoc mundo, quem
Paracletus tuus arguet de peccato, sed sum
inter eos, quos tu de hoc mundo elegisti.

MEDITATIO XXXIX.

Totus lassus promptissimè abit ad He-
rodem, ut me liberet ab eo qui circuit
quem devoret.

Ah! quàm lentus ego ad DEI obse-
quium, quàm promptus ad malum.

O JESU! Omnes gressus tui clamant
quòd ames me? cur non etiam amem te?
O utinam te semper amàssèm, & porro
amarem.

MEDITATIO. XL.

Herodes in multis interrogat, at JE-
SUS nihil respondet, coram Rege tacet.
Quid causæ? noluit sanctum dare cani-
bus.

O Lingva mea, quàm es incauta!

O JESU! lingua maculat totum cor-
pus, custodi ergo vias meas, ut discam
tempus loquendi, & tempus tacendi.

MEDITATIO XLI.

Æterna DEI sapientia, Rex Regum, DEI

CHRISTI.

filius ceu stultus irridetur & sustinet.

Et ego quaro honorari?

O JESU! *quàm longè absum à viis
tuis! heu me, quid diligo vanitatem? con-
verte me, ut propter te contemni non hor-
ream.*

MEDITATIO XLII.

Duci & reduci se inhumaniter sinit;
quò Judæorum barbaries cupit.

Ego à tam svavi DEI manû ducor, &
recalcitro?

O JESU! *Obedientissime agne, tolle
à corde meo hanc duritiem, & inobedien-
tiam meam.*

MEDITATIO XLIII.

JESUS proponitur populo cum Barab-
ba, & sustinet cum homicida cum latro-
ne conferri, ut me lucrètur.

Quid ego sustineo p^{ro} CHRISTO?

*Elegi mi JESU abjectus esse in domo
tua, & arbitratus sum omnia, ut stercora,
ut te lucri faciàm.*

MEDITATIO XLIV.

Populus relicto JESU, petit dimitti Ba-
rabbam. Verè novissimus virorum JE-
SUS.

Et ego

PASSIO

61

Et ego primas dignitates amo, quæ
infantia?

*O JESU! Si sic in Regno tuo novissimi
futuri sunt primi, sum omnium peripsema
in hoc mundo.*

MEDITATIO XLV.

Rogante Pilato, quid faciat de JESU,
clamant: tolle, tolle, crucifige eum! sic
remuneratur, qui omnia bene fecit.

Quid de me fiet, qui nihil quàm
màle feci?

*O JESU! tolle me tecum in Crucem,
ut sit mihi mundus crucifixus & ego
mundo.*

MEDITATIO XLVI.

Protestatur Pilatus nullam se mortis cau-
sam in eo invenire, ideo ad flagella da-
mnat.

Innocens ad flagella; quò ego nocens?

*Ecce JESU, filius tuus sum, sed malus:
in flagella paratus sum, tu quem amas
castiga.*

MEDITATIO XLVII.

Nudatur vestibûs, tectus solâ innocentia
suâ, erubescit.

Nudor

Nudor ego gratiâ, jussit â, innocentia, & exulto. Væ mihi! ad nuptias agiri nemo admittitur non vestitus veste nuptiali.

Ad te redeo spontè mi JESU! peccavi in Cælum & coram te! obsecro, redde mihi stolam primam nè appareat confusio nuditatis mee.

MEDITATIO XLVIII.

Ligatur ad columnam, scilicet instar columnæ fiat amor ejus inconcussus.

O Pudor! ego arundine mobilior, quavis aura vanitatis agitor, & deficior.

O JESU! Ad columnam tuam meam mobilem voluntatem adstringe, ut verè dicam, quis me separabit à charitate?

MEDITATIO XLIX.

Flagellatur tam dirè, ut à planta pedis usquè ad verticem non sit in eo sanitas.

Nec mirum, tam dirè iniquitatem suam prolongaverunt peccatores, quorum ego primus sum.

Hæc agnosco, & carnis voluptatibus indulgeo? O JESU! parce mihi, & per hæc ipsa vulnera exstingue in lumbis humorem libidinis.

MEDITA.

MEDITATIO L.

A columna solvitur, non ad quietem,
sed ad novas penas, & nè quid more-
tur, vestes ipse colligit.

Heu me! ad bonum invitor, & ubi-
què moror.

*Ab JESU! Excita me, ut sint pedes
mei tam veloces ad bonum, ut hæcenus
fuerunt ad malum.*

MEDITATIO LI.

Vestibûs detractis (ô quanto dolore)
spinis coronatur.

Scilicet meus luxus jam rosas decer-
perat; adhucné dicam cum impiis, co-
ronemus nos rosis?

*Non mi JESU non, nec enim decet
sub spinoso capite membrum esse delicatum.*

MEDITATIO LII

Detritam humeris purpuram injiciunt.
Hic DEI tui est fastus!

Putas te purpurâ, byssô, & aurô su-
perbientem agnoscet?

*O JESU! nonné anima plus est, quàm
Corpus? quid ergo ipsū ornare satago,
illam sordescere permitto.*

MEDITA-

MEDITATI LIII

Arundinem pro sceptro præbent; flaturam putes; Sic nullis injuriis moveatur.

Cur ego injurias injuriis compenso?

O JESU! fac me docilem, ut exemplo tuo discam injurias amore tui perferre.

MEDITATIO LIV.

Per ludibrium flexo poplite adoratur ut rex: tributum nomine dantur alape & sputa.

DEO illudit mundus, & mihi parcat?

O JESU! non est servus major Dominò suo, irridear à mundo, ut servus tuus esse agnoscar.

MEDITATIO LV.

Sic ornatum Pilatus populo proponit, dicens: ecce homo.

Inspecte hunc hominem & opera ejus, & vicissim respice te & opera tua.

Ab! non sum ille, quem tu formasti, innocens, justus, & pius, &c. Væ autem mihi. Sed mi bone JESU, nè me perdat iniquitas mea, quem fecit omnipotentia tua.

MEDI-

MEDITATIO LVI.

Populus hoc spectaculo nihil movetur,
crudelis populus!

Longè Crudelior ego, si non movear ad te sequendum.

O JESU! cur non sequar te? qui sequitur te, non ambulat in tenebris, adjuvat infirmitatem meam.

MEDITATIO LVII.

Populus eum ad Crucem poscit, ipse vicissim eum ad vitam.

Quàm bonus JESUS, quàm malus populus? & in hoc populo ego!

O JESU! Sic amas crucem, ut pro ea vitam reddas. Fac me amare crucem, ut eternum vivam.

MEDITATIO LVIII.

Pilatus ut habeatur Amicus Cæsaris, damnat innocentem ad mortem, infandum scelus!

Uthomini placeat, voluit displicere DEO. Sed scelus hoc meum est.

O JESU! quàm diu hominibus placere quero, tuus servus esse non possum; displiceam ergo hominibus, mundo, Carni, Dæmoni, ut tibi soli placeam. MEDI-

MEDITATIO LIX.

Exhibita cruce exultat velut gigas, ad currendam viam suam, amplectitur, exosculatur.

Egone amicus CHRISTI ero, si inimicus sum Crucis?

O JESU! absit mihi gloriari, nisi in cruce tua, per hanc mihi mundus Crucifixus & ego mundo, ut tuus sim.

MEDITATIO LX.

Bajulans sibi crucem egreditur Jerosolymâ

Nunquid esse discipulus ejus potero, si non accepero Crucem meam, & secutus fuero?

Exeamus ad te JESU, extra Castra vanitatis, & mundi, improprium Crucis tue portantes.

MEDITATIO LXI.

Sub Cruce corruit, scilicet iniquitates meæ sicut onus grave gravatæ sunt super me, & te premunt.

Ego adhuc crucem aspernor?

Tu mi JESU; onus meum portasti, quidni posthac tuum ego jugum portem,

ut alter alterius onus portantes adimpleamus legem.

MEDITATIO LXII.

Erecto à lapsu occurrit Mater, quo compassionis affectu? optabat vel pro illo, vel cum illo pati.

Accusa te apud Matrem, & roga, ut & tibi surgenti pia occurrat.

Tot ego ô Mater tibi sum causa dolorum! eja Mater fons amoris me sentire vim doloris fac, ut tecum lugeam, & tu mihi in necessitate, pia occurras.

MEDITATIO LXIII.

Iterum sub cruce concidit. Sic gravant iterati lapsus mei.

Heu video! & adhuc libet peccare?

O JESU! nunquam in posterum labar! dixi, nunc cæpi, fiet id mi JESU, gratiâ tuâ me adjuvante, sinè qua nihil possum.

MEDITATIO LXIV.

Cyrenæum Crucis socium admittit.

Quàm libens & te admitteret, si modò velles: vocat, ast renuis.

O JESU! qui non bajulat Crucem suam, & sequitur te, non est te dignus.
(ais.) Sequar ergo cum cruce mea, ut te sequar.

sequar: post te ibo, ut ad te perveniam.

MEDITATIO LXV.

Veronica pro sudario oblato imaginem suam in eo relinquit, quantillum obsequium! quantum primum!

Pro tantis ejus beneficiis quantillas tu gratias refers?

O JESU! quid retribuam tibi, pro omnibus, quæ retribuisti mihi? Ecce me totum tibi trado.

MEDITATIO LXVI.

Ad faminas flentes conversus, nolite flere super me (innocentem) ait. Sed super vos, & super filios vestros (nocentes:) flete.

His lachrymis credo nihil gratius DEO, tibi nihil utilius.

O JESU! quis dabit capiti meo aquas, & oculis meis fontem lachrymarum, ut defleam peccata mea? Si enim in te viridi ligno sic ea puniuntur, in me arido quid fiet?

MEDITATIO LXVII

Ad montis radicem denuo cum Cruce prosternitur.

Quale

Quale pondus meorum peccatorum!
CHRISTUM in terram dejiciunt? Me
nisi resipiscam detrudunt in infernum

O JESU! porrige mihi manum tuam,
ut surgam velociter, nè cadam in pro-
fundum.

MEDITATIO LXVIII.

Erectus in montem Calvariz ascendit,
non frangitur tot laplibus ejus amor;
attingit à fine usq; ad finem fortiter.

An talis & meus ardor? confundor
totus.

O JESU! excita teporem meum, aut
enim usquè ad finem perseverandum mihi
in bene captis, aut pereundum est.

MEDITATIO LXIX.

Exuitur vestibus, ut nudus moriatur.

Quàm bene ego moriar, si prius
spoliam me veteri homine.

Fiat o JESU! fiat! novum induam
hominem, qui renovetur in agnitionem
secundùm imaginem tuam.

MEDITATIO LXX.

Potatur felle, ut nulli membrorum par-
catur.

Ego quidem nullo non membro
offendo; sed iniquè plurimis parco.

*Tu igitur bone JESU dolore ea affli-
gens non parce: ut in quo pecco, in eo &
puniar, & hæc sint solatia mea.*

MEDITATIO LXXI.

Inclinat se in Crucem triginta tribus an-
nis expectatā propter me, exosculatur.

Tantum ego CHRISTUM amo,
quantum Crucem.

*O JESU! tolle, tolle, crucifige carnem
meam cum vitiis & concupiscentiis meis,
ut totus amem te.*

MEDITATIO LXXII.

In cruce extenditur; clavīs affigitur (ô
dolor!) & silet, quia sic placet Patri suo.

Quot querelis ego Crucem porto?

*O JESU! detestor imperfectam patien-
tiam meam! Ure, seca, prout vis, ut in
eternum parcas, fiat in omnibus volun-
tas tua.*

MEDITATIO LXXIII.

Levatur in altum, ut omnes videant, quid
agendum, ut vitam æternam habeant.

Ah video!

O JESU!

O JESU! Si sic oportuit te pati, ut intrares in Regnum tuum! quid de me fiet, qui nec quidquam facio boni, nec quidquam patior mali.

MEDITATIO LXXIV.

Nudus pendet in Cruce, jam numera, licet, vulnera, quæ amore tui tulit.

In te qualia numerabit? ipsius, an mundi amore, accepta?

O JESU! quàm sordet mihi mundus, cùm te in Cruce sic nudum aspicio.

MEDITATIO LXXV.

Inter latrones pendet medius, non horret inter eos pendere, pro quibus venerat animam ponere.

Vis CHRISTO placere? noli despicere peccatores.

O JESU bone, cur non diligam, quos tu ità dilexisti, & inter eos memet?

MEDITATIO LXXVI.

Imponitur Cruci titulus: JESUS Nazarenus Rex Judæorum, quem titulum aliàs fugit, in Cruce admittit.

Disce, is verè Rex est, qui mundo, & cui mundus est crucifixus.

O JESU! doce manus meas ad prælium, & digitos meos ad bellum, ut indomitas meas passiones domem, & Rex fiam.

MEDITATIO LXXVII.

Patrem orat pro persequentibus sc: quod aliàs verbô: nunc etiam exemplô docet.

Hoc tu non petes? ergo nec aptus es Regno DEI.

O JESU! ut audiam aliquando à te: venite benedicti: maledicentibus benedicam.

MEDITATIO LXXVIII.

Dicunt: si Filius DEI es, descende de cruce. Non audit, nam filius DEI contra voluntatem Patris non facit.

Tu autem contrà facis, an ergo DEI filius es?

O JESU! si ità vis, veniant in me potius omnia tormenta Diaboli, ut patiar & filius DEI sim.

MEDITATIO LXXIX

A malo latrone audit: si tu es CHRISTUS, salvum fac temet ipsum, & nos. Injustam hanc tulit placidè CHRISTUS, sed

sed ægrè interitum latronis & tuum.

Ego in meo & aliorum rideo.

*O JESU! ne permittas me interire,
pro quo tam indigna dignatus es subire.*

MEDITATIO LXXX.

Pro CHRISTO bonus latro perorat, & malum arguit: nequè tu times DEUM (inquit) nos digna factis recipimus, hic verò nihil mali gessit?

Innocentia etiam pressa patronum invenit vel latronem; innocenter pateris? nil metue.

O JESU! Agne innocens, tu verè nil mali gessisti, sed ego multum, da, obsecro, veniam roganti.

MEDITATIO LXXXI.

Bonus latro in fine vitæ ad DEUM se convertit, & Paradisum impetrat.

Nulla pænitentia sera est, si seria; rarò autem sera, est seria.

*O JESU! qui MARIAM absolvisi,
& latronem exaudisti, mihi quoque spem dedisti, da ut sinè pænitentia non moriar.*

MEDITATIO LXXXII.

Tenebræ factæ sunt super universam

terram. Tam indignum erat DEUM ab hominibus Crucifigi, ut sol intueri dedignaretur.

Mirum; si mihi unquam sol oriatur qui in peccatis meis toties eum Crucifigo.

O JESU! Non videat me amplius sol, nisi penitentem, aut patientem.

MEDITATIO LXXXIII.

Inter horrendos dolores non obliviscitur Matris, quæ Cruci adstabat.

Hanc pietatem nonné tu debes MARIAE, quæ tibi assistit? quoties, tamen oblivisceris, vel maximè cum tibi bene est.

O JESU! non sum dignus vocari filius MATRIS tuæ, fac me sicut unum de mancipiis ejus vilissimis.

MEDITATIO LXXXIV.

Matrem nè orbam relinquat, sibi substituit Joannem, & te; ut sit, qui ejus curam habeat.

Qualem tu ejus Curam habes?

O JESU! par est ut omnes meæ Curæ in id unum posthac tendant, ut tuum & tuæ MATRIS

MATRIS honorem & amorem ubiq; promoveam.

MEDITATIO LXXXV.

Nè gratis hoc obsequii petat à Joanne; illum (& nos in Joanne:) vicissim commendat Matri.

Si vis, ut illa monstret se Matrem, te monstra esse filium, diligit, sed diligentes se.

O JESU! sic me dilexisti, ut mibi Matrem tuam dares! quidni etiam ego & te, & illam sic diligam, ut vobis me totum dem?

MEDITATIO LXXXVI.

Clamat: DEUS meus, DEUS meus! ut quid dereliquisti me?

Tam grave est peccando DEUM à me derelinqui, ut ideo CHRISUS à Patre sit derelictus.

O JESU! noli me lege talionis punire. Peccavi in Patrem tuum & contra te, adjutor meus esto, nè derelinquas me.

MEDITATIO LXXXVII.

Ut scriptura impleatur, clamat; sitio Qui sic obedit DEO, ut nè jota, aut

apicem de lege prætereat, verè est filius DEI.

Quid dicis de te?

O JESU! quàm tu obediens fuisti, tam ego inobediens! agnosco culpam, miserere.

MEDITATIO LXXXVIII.

In siti sua potatur acetô.

Ego vinô æstuans injuria mihi fiet, si in flamma sitienti mihi nec aquæ guttula concedetur?

O JESU! non in Commessionibus, aut in ebrietatibus, clamat tuus Apostolus. De te bibam, ut fiat in me fons aquæ salientis in vitam eternam.

MEDITATIO LXXXIX.

Dicit: consummatum est, opus scilicet, quod dedit Pater ei: hoc perfectionis est

Nisi idem de medicere ante mortem possim; venient hostes, & illudent, dicentes: hic homo cepit ædificare, & non potuit consummare.

O JESU! per hoc verbum tuum, oro, sicut dedisti mihi incipere, ita da bene cæpta consummare.

MEDI-

MEDITATIO XC.

In manus Patris commendat spiritum,
à quo acceperat.

Et tuum à DEO accepisti, qualis injuria, si eum mundo, carni, diabolo commendas.

*O JESU! Ut patri moriturus securè
Spiritus commendem, tibi nunc eum vivus
commendo: tu illum serva, ut non perdam.*

MEDITATIO XCI.

Mortuus, ut ostendat se Patri obedientem usquè ad mortem, caput inclinat.

Et quid tu? obedire recusas illi, qui pro te usquè ad mortem crucis se obedientem Patri suo ostendit.

*O JESU! verè jugum tuum suave est,
& onus, quod imponis, levè! quidni cervicem incurvem, & portem illud? utinam
ab adolescentia mea tulissem!*

MEDITATIO XCII.

Moritur, & chirographum decreti quod erat adversus nos, delet.

Cui jam magis, decet, vivas? mundo, carni, dæmoni, an CHRISTO? hic pro te mortuus, illi quia fecerunt?

O JESU!

O JESU! Mille titulis tuus sum, accipe me: tuus sum, tuus ero: tibi vivam, tibi moriar o JESU!

MEDITATIO XCIII.

Mortuo JESU terra quatitur, petra scinduntur, monumenta aperiuntur.

Certè tempestas hæc propter me oritur! & adhuc libet peccare?

O JESU! pone mortem & Passionem tuam inter me & judicium tuum ut evadam tremendam æternæ mortis sententiam.

MEDITATIO XCIV.

Centurio & alii visis tot signis percutientes pectora sua revertebantur.

Certissima fide ego credo, hæc propter mea scelera contigisse, & à via malâ nondum revertar?

O JESU! quàm longè aversus sum: ecce nunc tandem revertar, ne abjice me.

MEDITATIO XCV.

Tam constanter amavit, ut etiam amaret mortuus: & ut se planè exvisceraret, finit sibi latus aperiri.

Nisi hæc cor cordi ejus uniam, homo non sum.

O JESU!

PASSIO

79

*O JESU! accipe cor meum & uni-
cordi tuo: ut nihil amem nisi te.*

MEDITATIO XCVI.

*Effluit Sanguis & aqua; hoc animæ sa-
nandæ balneum instruit.*

*Sanguis amorem languentium accen-
dit: Aqua mundanum ardorem restin-
guit.*

Nonné & tu eges hoc balneo?

*O JESU! quid quæro animæ meæ me-
delam extra te? ecce aperuisti in pectore
tuo fontem salutare animæ meæ.*

MEDITATIO XCVII.

*E Cruce à Nicodemo deponitur, ipse
descendere noluit.*

*Dilce! per Crucem, si aliorum arbi-
trio ex ea deponeris, itur ad Cælum, si
eam excutis, itur ad Crucem æternam.*

*Bona Crux accipe me, ut per te me
recipiat, qui per te me redemit.*

MEDITATIO XCVIII.

*Sicuti vivus, ita & mortuus non alio
sinu, quam Virgineo Matris amat suum
Corpus excipi.*

*Quales ei delicias præbebit cor lasci-
vum?*

O JESU!

O JESU! jubes cor castum præbere, sed scio quòd non possim esse continens, nisi tu mihi des: da ergo, quod jubes, & jube, quod vis.

MEDITATIO XCIX.

Sindone munda à Joseph involvitur; fordesné mortuus patiatur?

Tu in corde tuo sordes amas, & in Corde vis JESUM recipere?

O JESU! Cor mundum crea in me & spiritum purum innova in visceribus meis

MEDITATIO C.

In alieno sepulchro tumulatur: nec sepulchrum in hoc mundo habuit, quia de hoc mundo non est.

Tu, quia tam multa de hoc mundo habes, an non de hoc mundo es? sed vae!

O JESU! tu me elegisti de hoc mundo, quid ergo quero, in hoc mundo?

Ad M. D. G.

ORATIO.

O R A T I O.

*Contra diabolicos incurfus & turpes
Cogitationes.*

DEUS meus pendet in patibulo, & ego voluptati operam dabo? recede à me nequissime spiritus per eum qui venturus est judicare vivos & mortuos & sæculum per ignem, Amen.

*ORATIO placatoria S. CAJETANI
pro Regno Poloniæ, & avertenda Peste,
fame, & locusta.*

✠. Ut Regnum hoc defendere, pacificare, Custodire, & à locusta conservare digneris.

R. Te rogamus audi nos, Domine miserere.

Respice Domine Sancte Pater de Sanctuario tuo, & de excelso Cælorum habitaculo, & vide hanc Sacrosanctam hostiam, quam tibi offert magnus Pontifex noster Sanctus puer tuus Dominus JESUS pro peccatis fratrum suorum, & esto placabilis super multitudinem malitiæ nostræ, ecce vox Sangvinis nostri JESU clamat ad te de Cruce. Exaudi Domine

Domine, placare Domine; attende & fac, nè moreris propter temet ipsum DEUS meus, quia nomen tuum invocatum super regnū hoc & super populū tuū, & fac nobiscum secundū misericordiam tuam, Amen.

Hec Oratio dicenda ante Sacrum Ciborium aut Crucifixum consuetudine Sancti CAJETANI.

ORATIO Sancti XAVERII pro Conversione Hereticorum & peccatorum induratorum.

ATerne rerum omnium effector DEUS, memento abs te animas infidelium, Hæreticorum, & peccatorum procreatas, easque ad imaginem & similitudinem tuam conditas, ecce Domine in opprobrium tuum, hīs ipsīs infernus impletur, memento JESUM Filium tuum pro illorum salute atrocissimam subiisse necem, noli quæso Domine ultra permittere, ut Filius tuus ab infidelibus & induratis peccatoribus contemnatur, sed precibus Sanctorum Virorum, & Ecclesie, Sanctissimi Filii tui placatus, recorda-

recordare misericordie tue & oblitus
idololatrie, indurationis, & infidelitatis
eorum effice, ut ipsi quoque agnoscant
aliquando, quem misisti Dominum no-
strum JESUM Christum, qui est salus,
vita, & resurrectio nostra, per quem sal-
vati & liberati sumus, cui sit laus, & glo-
ria per infinita secula seculorum.

A
M E
N.



66/905/29k.

100

